



Bosnia and Herzegovina  
Federation of Bosnia and Herzegovina  
**CANTON SARAJEVO**  
Ministry for Education

Broj:01-04-58637-<sup>219</sup>~~84~~/25  
Sarajevo, 09. 04. 2026. godine

**SKUPŠTINA KANTONA SARAJEVO**  
Ovdje -

n/r Okerić Elvedina, predsjedavajućeg Skupštine Kantona Sarajevo

**PREDMET: Odgovor, dostavlja se**

Cijenjeni,

Ministarstvo za odgoj i obrazovanje Kantona Sarajevo (u daljem tekstu: Ministarstvo) je zaprimilo zastupničku inicijativu koju je uputila zastupnica u Skupštini Kantona Sarajevo **Vildana Bešlija** u skladu sa članom 212. stav (2) Poslovnika Skupštine Kantona Sarajevo („Službene novine Kantona Sarajevo“, broj: 41/12 – Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22, 17/22-Ispravka i 47/24), u okviru 28. Radne sjednice Skupštine Kantona Sarajevo.

Zastupnička inicijativa:

*“Na osnovu uočenih potreba osoba koje žive s epilepsijom, kao i značaja pravovremene reakcije okoline, dostupne zdravstvene zaštite i smanjenja društvene stigma, u saradnji sa Centrom za epilepsiju, podnosimo inicijativu prema Vladi Kantona Sarajevo i nadležnim ministarstvima da, svako u okviru svojih nadležnosti, pokrenu sljedeće aktivnosti:*

**1. Edukacija u odgojno-obrazovnim ustanovama**

*Zadužuje se Ministarstvo za odgoj i obrazovanje Kantona Sarajevo da, u saradnji s Ministarstvom zdravstva Kantona Sarajevo i zdravstvenim ustanovama, pripremi i provede program edukacije nastavnika, odgajatelja i školskog osoblja o pravilnom postupanju u slučaju epileptičnog napada.*

*Program bi uključivao:*

- osnovne informacije o epilepsiji
- protokole postupanja u hitnim situacijama
- smjernice o podršci djeci s epilepsijom i smanjenju stigmatizacije

**2. Kampanja za edukaciju javnosti o prvoj pomoći kod epileptičnog napada**

*Pokretanje informativne kampanje od strane Ministarstva zdravstva Kantona Sarajevo u saradnji sa Zavodom za javno zdravstvo Kantona Sarajevo namijenjenu građanima o pravilnom pružanju prve pomoći osobama koje dožive epileptični napad. Kampanja bi obuhvatila domove zdravlja, javne ustanove, sredstva javnog prijevoza i druge frekventne lokacije.*

### 3. Analiza dostupnosti dijagnostike i specijalističkih pregleda

Potrebno je da Ministarstvo zdravstva Kantona Sarajevo izvrši analizu:

- dostupnosti EEG dijagnostike
- dužine čekanja na neuropedijatrijske i neurološke preglede, te predloži mjere za unapređenje dostupnosti i smanjenje listi čekanja.

### 4. Psihosocijalna podrška oboljelima i porodicama

U okviru psihosocijalne podrške, smatramo važnim da Ministarstvo zdravstva Kantona Sarajevo i Ministarstvo za rad, socijalnu politiku, raseljena lica i izbjeglice Kantona Sarajevo razmotre modele podrške osobama s epilepsijom i njihovim porodicama kroz savjetovaništa, grupe podrške i saradnju s udruženjima pacijenata.”


Odgovor:

Ministarstvo se zahvaljuje na upućenoj inicijativi, te ističe da prepoznaje značaj unapređenja položaja osoba koje žive s epilepsijom, posebno u kontekstu pravovremene reakcije okoline, dostupnosti adekvatne zdravstvene zaštite, kao i potrebe za kontinuiranim smanjenjem društvene stigme.

Smatramo navedenu inicijativu izuzetno korisnom, te predlažemo da istu dostavite nadležnim zdravstvenim institucijama i zavodima za javno zdravstvo.

Također, uvažavajući nadležnosti ovog Ministarstva, ističemo da će Ministarstvo razmotriti i podržati prijedloge svih relevantnih zdravstvenih institucija i zdravstvenih vlasti, koje su usmjerene na dobrobit djece/učenika i prosvjetnih radnika, pri čemu je neophodno da navedene programe iniciraju zdravstvene institucije, u skladu sa svojim nadležnostima.

S poštovanjem,



MINISTARICA

Najide Hota-Muminović

Dostaviti:  
1. Naslovu  
2. a/a.



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-128

Web: <http://mo.ks.gov.ba>, E-mail: [mo@mo.ks.gov.ba](mailto:mo@mo.ks.gov.ba)